

195

134

DEO OPTIMO MAX.

UNI ET TRINO,

VIRGINI DEI-PARÆ, ET S. LUCAE;

Orthodoxorum Medicorum Patrono.

QUÆSTIO MEDICO-CHIRURGICA, QUOD LIBETARIIS DISPUTATIONIBUS

manè discutienda in Scholis Medicorum, die Jovis trigesimâ
mensis Aprilis, anno Domini M. DCC. LXXII.

M. FRANCISCO BIDAULT,

Scholarum Professore designato,
Doctore Medico, Præside.

An in omnibus Paronychiæ speciebus, partis incisio, tutissimum præsidium ?

I.



UAM lugenda fors hominum ! Irrequieti fato vitæ intima penetrabilia morbis dirissimis depasci non suffecerat ; partibus etiam à vitæ prima scaturigine remotis , structurâ apparatuque maximè sensibilibus , haud invidiosæ voluptati motuique ad hominis tutelam necessario dicatis , telum affert quandoque acerbissimum periculosissimumque. Huic debellando sicut & aliis externis affectibus urgente necessitate doloreque , primi homines medicinæ rudes omnia indiscriminatim in auxilium vocavere. Contraria contrariis , sibi ipsis homogenea , venenata venenatis , pro re nata , casuque fortuito opponebant. Hinc medicamentorum seu potius nocentium natâ numerosa proles. Herbarum simplicior salubriorque erat quandoque usus & applicatio. Non alius mos Esculapio Chironique , primis rei herbariæ cultoribus. Machao verò Podalyrusque postea audaciori manu belli Trojani temporibus ferrum ferro opposuere. Inuisionis etiam tanquam præstantissimi auxilii apud gentes antiquissimas invaluit usus , teste Hippocrate (a) valetque hodie apud eandem (b) & ignis ab ipso frequenter usurpatus , nobilitatus fuit , dicente : *Quæ medicamentum non sanat , ferrum sanat ; quæ verò ferrum non sanat , ignis sanat*. Inuisioni seu cauterio actuali , apud gentes Europæ delicatiores pusillanimesque , cauteria mitiora *potentia* dicta (an in artis emolumentum decrementumve) ferventia , exedentia varia , caustica , epispastica , &c. successere. Hæc ferè omnia nec non fortiora astringentia , discutientiaque vicissim in Paronychiæ curâ adhibita fuere. Sed circa hæc dubius semper hæret animus , ni partis afflicte structuram probè calleat , malique sedes ex hac genuina detegatur. Hæc viâ devolvuntur , ratione situs , diversæ Paronychiæ species instituique potest recta curandi methodus. Quare primò ultimæ Phalangis digitorum compages paucis delineanda venit.

(a) Lib. de aere locis & aquis.

(b) Vid. Ten Rhyn de morxâ seu Artemisiâ in inuisionis in Arthritide usu, & Prosp. Alpini de Medici. Egypti.

IN digitorum extremo, partium maximè sentientium concursus mirabilis nexuque peculiariis occurrit. Ad digitorum nempe tutelam torrioremque prehensionem supernè digitus tegitur ungulâ ejus substantia corneam duritiem æmulat. Unguis hæc pars dura seu exterior, circiter totius, quando circumflectæ, dimidia, papillis cutaneis substratis intraque ipsius foveas locatis more & loco epidermidis incumbit contigua, absque tamen adhæsione; dum altera alba teneriorque radix dicta, sub cutis cuticulæque duplicaturâ se abscondens iisdem papillis substratis superjacet, fibrillisque tenuissimis per latera partibus vicinis adhæret. Hæc radix secatur perpendiculariter adeo ut lunæ partem (parte concavâ articulum respiciente) quodammodo sed vix sensibili referat. Inter radices oras & articulum circiter duarum linearum interjacet spatium, ejus unam & semissem lineam tendinis extensoris digiti expansio tenet, dum reliquum à fibrillis radice, cute relexâ subterque expansâ, occupatur.

Pars verò inferior digiti, tanquam molli puvinari tuta, præter cutem densam, texturamque cellularem, constat papillis nerveis numerosissimis, substantiâque pulposâ digiti dictâ, mediâ inter carneam seu glandulosam & adiposam, vasis plurimis præcipue arteriosis cellulisque adiposis mirè intertexta. Sub hac jacet tendinis flexoris digitorum theca vaginalis ligamentosa seu semi-cartilaginea, tendinem undique coercens, itum & reditum fovens; mediante humore blando, ad instar synoviae parietibus internis lubricandis dicato: sub ipsâ tendo mobilis, prius tenses, simulac articulum scandit, expansione latâ per totam officuli internam superficiem planam, periosteo perforato, inseritur. Officuli apex summus seu capitulum scabrosum ex utraque parte ligamenti lateralis, supra quod incumbit suo pro sustentaculo unguis, insertioni locum præstat. Ligamentum hoc à basis officuli lateribus ortum juxta unguis totam longitudinem extenditur, apicique scabroso inseritur.

Hæc fulcimentis extrema digitorum contrâ offensiones præmunita operas multiplices multiplicique modo, absque incommodo, unâ cum quâdam voluptate navant.

His positis, Paronychiæ variæ species, illaque quæ directè ad Paronychium non pertinent, faciliè explicantur. Paronychia siquidem vera fit, quotiescumque affectio dolore stipata, juxta unguem nata in abscessum definit; si morbi sedes sub ipso ungue aut radice lateat, tunc Paronychia non fit sed hyponychia non satis à Paulo Æginetta Astrucioque distincta. Nec aridet Paronychiæ distinctio Boerhaaviana in 7 species, notante II. discipulo interpreteque Van-Heems (a) cum hæc potius ad articulorum morbos pertinet quam ad Paronychiam, quæ juxta verbi Etymon *παρά & ὀνύξ* est affectus propè unguem natus. Nec confundi debet cum pterygio, unguium ipsorum morbis, quorum meminit Celsus libro 6^o.

Si hic affectus ad oras aut latera radice unguis aut circum circa oriatum, ita ut nec tendinem extensoris musculi afficiat, nec ligamentum unguem sustinens, sed in ipsa cute hæreat; tunc fit Paronychiæ prima species, levior, tolerabiliorque, gallicè *mal d'avanture*, *Tourniole* vocata. Si verò sub ipsâ cute densâ, in textu cellulari vel substantiâ pulposa digiti lateat, tunc gravior adest Paronychia, seu secunda species, tumore, dolore, omnibusque inflammationis notis, unâ cum febre stipata. Si vagina tendinis afficiatur, tunc accedunt symptomata graviora, ut dolor magis excrucians profundiorque, febris, vigilia, convulsiones, nausæ, vomitus, liporhymix, &c. parvus aut nullus tumor apparet, præsertim si pars interna thecæ semi-cartilagineæ afficiatur, si verò exterior, tumoris paululum ob-

(a) Lib. de morbis nerv.

servatur, maculaque rubra in apice digiti orta destructionis seu erosionis pericondroleos signum est: in hac specie si morbus intra vaginam hæret, augeaturque, tunc dolor per totum brachium usque ad axillam propagatur, malus quandoque tumor immanis observatur, sunt abscessus liquoris usque ad malleolum primam originem. Quarta species doloris profundiori, pericerebrantique insidetur, nullus tumor apparet; accidit si mali fomes inter os & periosseum vel gementa, vel inter ipsa & periosseum, hæret. Si à carie ossis, ut Ambrosius Pærus dixit, originem ducat, vel fiat caries, semper macula aut stigma quoddam in apice digiti observatur.

I I I

IN omni specie, multiplici observatione constat, teste, in primis, fabricio Hildano (Cent. 1. obs. 97.) quod si, incipiente paronychia, incidatur cutis, semper morbi sedes detegitur, ibique invenitur collectus quidam humor, plerumque turbidus, qui tanquam spina seu conchus ibi infixus partes vicinas distendit, irritat tandemque dilacerat, unde dolor, irritatio, inflammatio, &c. In omni humoris cujuscumque collectione intra aut extra vasa facta, felix eventus à liquidi accessu inflammatione aut evacuatione pendet. Hoc non aquis semper obtinetur auxiliis. Quod major est metus ne collectus humor versus interiora prosperat eò exitus contenti festinator esse debet. Sic se gerit in omni tumore critico, pestilentiali, recte medens: etiam crudæ materiei maturæ datur aditus; tunc fluidum insensum, mobile, vagans, interiora minans, quæ data porta ruit, visceraque à lethali metastasi sæpè vindicat. Idem periculum æstimatur, si abscessus in extremis natus, ratione structuræ, firmæ partium cohesionis ita includitur ut materię aggestæ difficilior sit exitus, & facilius sinuet intra partes nervæ tendineasque quam protrudatur; tunc summum periculum est in mora, citòque aperiendus mali fomes.

I V.

IN omnibus autem Paronychiæ speciebus ratione tendinis vicinariis intra vaginam inclusi, cutis densatis, compaginis ultimæ phalangis doloris atrocissimi capitis, partium nexûs firmè arstatione insignis; quando humoris cuiusdam noxi innoxie fit collectio, sæpè semper plus ad interiora vergit quam ad exteriora. Materies inclusa vel abscessum molestum creat, vel profundius prosperens, tendinem aut tendinis vaginam afficit, dilaceratque undè gravissima mala, ipsaque mors, si segnius aut incautè manu his opinuletur. Idem periculum subit, si periosseum afficiatur; ossis nempe proxima caries aut ligamentorum tardam opem erosio sequitur. Ut vitentur hæc omnia, in principio, nam quandoque sæpè, medicina paratur; citò adhibenda sunt tutissima auxilia. Quodnam autem præstantius aut promptius ferro, cujus ope ad libitum inciditur tumor aut locus dolens, queriturque mali fomes, quo reperto, statim levatur æger, remittunt omnia. Si primà, ope scalpelli, incisione, non cessat dolor, fidenter secundam adhibe sectionem; semper ichor quidam fluidus collectusque reperitur. Facili incisione, effluoque humore novio, fabricii Hildani more, pars spiritu vini theriacali alluatur aut aliquo simili. Quin si ipse tendo afficiatur, quâdam fibrarum dilaceratione exercietur, nec ullo modo, post vaginæ incisionem; balsamicis, oleis essentialibus tepidis levare potest, tunc omnis curationis spes in illius sectione ponitur. Si malum intra periosseum hæreat infixum, usque ad os quandoque adigitur scalpellum, breviter liberatur ægrotans. Superest duntaxat observandum quod incisio semper juxta digiti longitudinem lateraliterque in ultima phalange fiat, ne lædatur tendo.

SI obijciatur, multa mala plerumque ex profundâ incisione oriri posse, responso est 1^o. quod ex illâ discrimen ortum numquam æque periculosum esse ac ipsa affectio; 2^o. quod non semper hæc sic instituta requiratur, sed quando periossteum tendo aut vagina in parte inferiori digiti afficitur; 3^o. quod hæc incisio profunda non fit uno ictu, cum latet mali fomes, sed repetitis vicibus & lateraliter usque dum reperiatur: tunc doloris cessatio est certum reperti indicium. Si quidam, inter quos, ex recentioribus eminent Cl. Fabre Foubertque in Palestřa Chirurgicali expertissimi, dicant omnem incisionem inutilem esse imò quandoque nocuam, etsi dexterè fiat, & illius loco exedentia, corrodentia ut sublinatum corrosivum micâ panis gummiq̃ Arabico subactum prædicent; illis opponi possunt Albucasis, Pigrei, Bayri, Marci Aurelii Severini, Ambrosii Paræi, Fabricii Hildani, & in primis Garengottii in Paronychiæ curatione exercitatissimi felicissimique experimenta, necnon innumera exempla, quibus probatur nunquam Paronychias felicem habuisse exitum, nisi prius peractâ incisione; assertionis nostræ argumentum etiam petitur ab infelici, infido, inefficaci, medicamentorum usu quæ tanquam specifica in Paronychiis prædicantur: talia sunt herbâ quæ ob usum dicitur à Galeno Paronychia, lixivium, aqua aut acetum fervens, Galla Quercina, emollientia ipsa, &c: his omnibus, Paronychiæ succurrendæ imparibus, concludere pronum est quod ad partis incisionem, tanquam ad sacram anchoram semper coniugendum sit.

Ergo in omnibus Paronychiæ speciebus, partis inciso tutissimum præsidium.

DOMINI DOCTORES DISPUTATURI

M. Joannes - Jacobus
NOLLAN.

M. Claudius LAFISSE.

M. Jacobus BARBEU DU
BOURG, Regiæ Scientiarum
Academia Stokolmiensis & Societatis Regiæ
Monspelienſis Socius.

M. Bartholomæus - Petrus
DELANOUE, Eques,
in Supremo Senatu Patro-
nus.

M. Carolus GEILLE DE
SAINT LEGER, Eques,
Consiliarius Medicus, Re-
gis ordinarius, primi ordi-
nis & totius Equestris ag-
minis in exercitu Medicus
primarius.

M. Joannes Baptista MES-
SENCE.

M. Benjaminus - Michael
SOLIER DE LA RO-
MILLAIS.

M. Antonius GARNIER.

M. Carolus - Franciscus
THEROULDE DE VAL-
LUN, Eques.

Proponebat Parisiſ JOANNES-JACOBUS PAULET, Occitanus,
Doct̃or Medicus Monspelienſis, necnon Saluberrimæ Facultatis Medicinæ
Parisiensis Baccalaureus, Theses Author, A. R. S. H. 1772.

A SEXTA AD MERIDIEM.

Typis Quillau, Saluberrimæ Facultatis Medicinæ Typographi 1772.